



Innkalling

Råd for menneske med nedsett funksjonsevne

Møtedato: 08.06.2021
Møtested: Kantina på rådhuset
Møtetid: 15:30 - 17:00

Til dette møtet er det meldt inn:

1. Trafikksikringsplanen.

Universell tilgang, fortau, fotgjengarovergangar.

Brev frå Mette Ekornrød, ligg under orienteringssaker.

2. Austrheim kommune sin administrative organisasjonsplan.

Konkretisering av korleis saksgangen "flyt" i organisasjonen.

Kven rapporterer, og til kven.

3. Leiar for Arbeidssenteret. Arbeidsinstruks/oppgåver og status i saka.

Britt Silvia Erstad Marøy orienterer (referat frå tidlegare handsaming ligg under meldingar).

Forfall skal meldast til Servicekontoret t. 56162000/post@austrheim.kommune.no

Varamedlem møter berre etter nærare innkalling

Saksliste

Saksnr	Tittel
006/21	Godkjenning av innkalling og saksliste
007/21	Godkjenning av møteprotokoll
009/21	Meldingar
009/21.1	Melding om vedtak - Råd for menneske med nedsett funksjonsevne sine tankar om Arbeidssenteret i framtida
008/21	Orienteringssak
002/21	Innspel om trafikksikring, trygg skuleveg, Krossvegen - Sætre

Austrheim 7. juni

Odd Sigvald Øksnes
møteleiar

Ketil Tjore
møtesekretær

Sakspapir

Saksnr	Utvalg	Type	Dato
006/21	Råd for menneske med nedsett funksjonsevne	PS	08.06.2021

Saksbehandler	Arkiv	ArkivsakID
Ketil Tjore	FE-033	21/578

Godkjenning av innkalling og saksliste

Framlegg til vedtak:

Innkalling og sakliste vert godkjent

Saksopplysninger:

Sakspapir

Saksnr	Utvalg	Type	Dato
007/21	Råd for menneske med nedsett funksjonsevne	PS	08.06.2021

Saksbehandler	Arkiv	ArkivsakID
Ketil Tjore	FE-033	21/578

Godkjenning av møteprotokoll

Vedlegg:

Protokoll - Råd for menneske med nedsett funksjonsevne - 09.03.2021

Framlegg til vedtak:

Møteprotokoll frå forrige møte vert godkjent

Saksopplysninger:



Møteprotokoll

Råd for menneske med nedsett funksjonsevne

Møtedato: 09.03.2021
Møtestad: Kantina på kommunehuset, evt. Teams
Møtetid: 15:00 - 16:15

Saker som skal opp i møtet:

* Oppfølging av sak om leiar for arbeidssenteret

* Møteplan 2021

* Innspel til trafikksikringsplanen, sjå lenke

www.austrheim.kommune.no/aktuelt/nyheiter/oppstart-av-arbeid-med-kommunal-trafikksikringsplan-i-austrheim-kommune---innspel/

* Eventuelt

Frammøtte medlemmer	Rolle
Ann Kristin Leirvåg	Medlem
Helge Dyrkolbotn	Medlem
Anny Helene Sætre Bertelsen	Medlem
Mette Ekor nrød	Medlem
Odd Sigvald Øksnes	Utvalsleiar
Ivar Bergsvik	Medlem

Følgjande frå administrasjonen møtte:

Ketil Tjore, Monika Kvamme

Austrheim 17. mars 2021

Odd Sigvald Øksnes
møteleiar

Ketil Tjore
møtesekretær

Sakliste

Saknr	Tittel
001/21	Godkjenning av innkalling og sakliste
002/21	Godkjenning av møteprotokoll
003/21	Meldingar
001/21	Diverse orienteringar
004/21	Møteplan 2021
005/21	Innspel til Trafikksikringsplanen

001/21: Godkjenning av innkalling og saksliste

Rådmannen sitt framlegg:

Innkalling og sakliste vert godkjent

09.03.2021 RÅD FOR MENNESKE MED NEDSETT FUNKSJONSEVNE

Handsaming i rådet:

Rådmannen sitt framlegg vert samrøystes vedteke

RMNF - 001/21 VEDTAK:

Innkalling og sakliste vert godkjent

002/21: Godkjenning av møteprotokoll

Rådmannen sitt framlegg:

Møteprotokoll frå forrige møte vert godkjent

09.03.2021 RÅD FOR MENNESKE MED NEDSETT FUNKSJONSEVNE

Handsaming i rådet:

Rådmannen sitt framlegg vert samrøystes vedteke

RMNF - 002/21 VEDTAK:

Møteprotokoll frå forrige møte vert godkjent

003/21: Meldingar

Rådmannen sitt framlegg:

Meldingane vert tekne til orientering

09.03.2021 RÅD FOR MENNESKE MED NEDSETT FUNKSJONSEVNE

Handsaming i rådet:
Rådmannen sitt framlegg vert samrøystes vedteke

RMNF - 003/21 VEDTAK:

Meldingane vert tekne til orientering

001/21: Diverse orienteringar

Rådmannen sitt framlegg:

RMF tar orienteringa til vitande.

09.03.2021 RÅD FOR MENNESKE MED NEDSETT FUNKSJONSEVNE

Leiar Odd Sigvald Øksnes orienterte om dialogmøte som ein hadde hatt i samband med etableringa av Helsehuset. Det var etterlyst innspel til bruken, innan tre satsingsområde:

Psykisk helse og rus

Barn og unge

Somatikk

Eldrerådet i Alver har vore og sett på Helsehuset, 8. mars, eldreråd frå andre kommunar kan få komma på omvising seinare. Håpar Helsehuset kan verta eit løft for heile regionen.

Anny Bertelsen etterlyste ferdigstilling av rapporten om habilitering, som Mona Hatlem jobba med. Kommunalsjef Monika Kvamme svara at det står litt att på denne planen, håpar at det snart vert ferdigstilt.

Odd Sigvald Øksnes tok opp tidlegare diskuterte sak om leiar for arbeidssenteret. Kommunalsjef Monika Kvamme orienterte om at det frå 1. mai er på plass ein leiar for arbeid og inkludering, som skal leia Vestlia, alle tiltak og Austrheim arbeidssenter. Det er vernepleiar Britt Silvia Erstad Marøy som er tilsett, kjem frå arbeidssenteret Aufera på Manger.

Det er ikkje sett noko prosent på kor mykje stillinga skal bruka kvar plass. Ser på rollebeskrivelsen no for korleis dette skal vera. Dei som er på arbeidssenteret har ofte med seg tilsette frå der dei bur.

Ser at det er etterspurt eit tilbod av denne typen. Vurderer korleis det vert framover for opningstider.

Odd Sigvald Øksnes ba om at ein ser på innspelet frå RMNF, arbeidssenteret har vore litt laust organisert.

Anny Bertelsen ba om at vedkommande kjem til rådet for å orientera, møtesekretæren inviterer til møtet 1. juni.

Etter spørsmål frå Mette Ekornrød om plassering av arbeidssenteret, sa Monika Kvamme at ein ser på om dagens bygg er for framtida, med tanke på at det manglar universell utforming i bygget. Men transport er ofte ein bøyg, og bygget i dag ligg veldig godt til med tanke på at det ligg sentralt.

Odd Sigvald Øksnes sa at det er eit lokale på Sætre som er bra, men ikkje er universelt tilgjenge. Om dette sa Mette Ekornrød at ho er ugild på dette, men kan seia at det vert sett på om ein kan leggja betre til rette enn i dag.

RMNF - 001/21 VEDTAK:

RMF tar orienteringa til vitande.

004/21: Møteplan 2021

Rådmannen sitt framlegg:

Møteplan for 2021:

Tysdag 6. april

Tysdag 1. juni

Tysdag 7. september

Torsdag 9. desember

Møta er 15.30 til 17.00.

09.03.2021 RÅD FOR MENNESKE MED NEDSETT FUNKSJONSEVNE

Møteplanen for 2021 vart diskutert.

Samrøystes for framlegget til vedtak.

RMNF - 004/21 VEDTAK:

Møteplan for 2021:

Tysdag 6. april

Tysdag 1. juni

Tysdag 7. september

Torsdag 9. desember

Møta er 15.30 til 17.00.

005/21: Innspel til Trafikksikringsplanen

Rådmannen sitt framlegg:

RMNF ønskjer at desse tiltaka vert prioriterte:

1. Gangfelt frå Nordliheimen til Seniorsenteret, og ei betre løysing der fortauet sluttar ved Nordliheimen.
2. Overgangsfelt ved samfunnshuset, der det er lagt opp til kryssing ved at gang/sykkelvegen skiftar side.

09.03.2021 RÅD FOR MENNESKE MED NEDSETT FUNKSJONSEVNE

Rådet såg igjennom tidlegare innspel frå RMNF til arbeidet med trafikksikringsplanen.

Helge Dyrkolbotn sa at ein bør prioritera fortau langs fylkesveg 565 mellom Nordliheimen og Seniorsenteret, på nordsida her manglar det fortau.

Semje frå dei andre i rådet på dette punktet.

Anny Bertelsen tok opp at det bør komma overgangar fleire stader, først ved samfunnshuset, og ved gamle kommunehuset. Etterlyste også fortau frå overgangen ved Nordliheimen og bort til Nordliheimen (stoppar i plenen i dag).

Helge Dyrkolbotn sa at det også bør takast med i planarbeidet som manglar av gangvegar, i prioritert

rekkefølge: Frå Mastrevik nordover til Budalen og vidare til Kilstraumen, strekket Kilstraumen – Fonnes, og Austrheim kyrkje – Førland.

Mette Ekornrød sa at det det er sett opp veglys frå Mastrevik mot brua til Ulvøy, her burde det komme gangfelt også.

Det er også mogleg å komma inn med private innspel, til trafikksikringsplanen. Ivar Bergsvik seier det kjem ønskje om fartsdump ved Bergsvik.

Helge Dyrkolbotn sa at opplæring også må vera ein viktig del av trafikksikringsplanen.

Handsaming i rådet:

Samrøystes for framlegget til vedtak.

RMNF - 005/21 VEDTAK:

RMNF ønskjer at desse tiltaka vert prioriterte:

1. Gangfelt frå Nordliheimen til Seniorsenteret, og ei betre løysing der fortauet sluttar ved Nordliheimen.
2. Overgangsfelt ved samfunnshuset, der det er lagt opp til kryssing ved at gang/sykkelvegen skiftar side.

Sakspapir

Saksnr	Utvalg	Type	Dato
009/21	Råd for menneske med nedsett funksjonsevne	PS	08.06.2021

Saksbehandler	Arkiv	ArkivsakID
Ketil Tjore	FE-033	21/578

Meldingar

Saker

Saksnummer	Tittel
009/21.1	Melding om vedtak - Råd for menneske med nedsett funksjonsevne sine tankar om Arbeidssenteret i framtida

Framlegg til vedtak:

Meldingane vert tekne til orientering

Saksopplysninger:



Austrheim kommune
Sætremarka 2

5943 AUSTRHEIM

Dato	Vår ref.	Dykkar ref.
07.12.2020	20/4876 - 8	

Melding om vedtak - Råd for menneske med nedsett funksjonsevne sine tankar om Arbeidssenteret i framtida

Råd for menneske med nedsett funksjonsevne - 025/20:

Det er gjort følgjande vedtak i saka:

Leiinga av arbeidssenteret.

Arbeidssenteret skal ha ein leiar som har desse oppgåvene:

- Overordna ansvar for drifta.
- Kartlegge den enkelte sine ressursar og føresetnader.
- Utarbeide individuell plan for den enkelte ut frå deira behov.
- Gir rettleiing/stiller krav til arbeidstakar og medhjelpar/assistent.
- Er i dialog med administrasjonen med omsyn til behov for ressursar og evaluering av drifta.
- Er i dialog med pårørande til arbeidstakarane.

Arbeidssenteret treng ein leiar som kan lage planar for kvar dag og tilretteleggje meningsfylte aktivitetar. Tilbodet bør gi brukarane eit skille mellom heim og jobb.

Råd for menneske med nedsett funksjonsevne har ei forventning til at ein får eit godt samarbeid med ny leiar når det gjeld utvikling av tenestene og oppgåvene for brukarane, både dei som er her i dag og framtidige brukarar.

Lokale og produksjon:

Ein tilrettelagt arbeidsplass må ha eigna lokale, både med tanke på andre/nye oppgåver og med tanke på gjeldande forskrifter for universell utforming.

Det er viktig å ha kontakt med andre avdelingar i kommunen og næringslivet i regionen for finne moglege område å samarbeida på, til dømes delproduksjon, montering o.l.

Vedtaket kan klagast på til kommunen. Klagefristen er 3 veker frå den dagen brevet kom fram til adressaten.

Det er tilstrekkeleg at klagen er postlagt innan fristen går ut.

Klagen skal sendast skriftleg til den instansen som har fatta vedtaket. I klagen skal det gå fram kva du klagar på i vedtaket, og kva endrinar du ønskjer. Klagen skal grunngjevast.

Vennleg helsing
Kristin Nesbø
fagleiar servicekontoret

Dette dokumentet er elektronisk godkjent og har difor ingen signatur

Andre mottakarar:
Austrheim kommune

Sakspapir

Saksnr	Utvalg	Type	Dato
008/21	Råd for menneske med nedsett funksjonsevne	PS	08.06.2021

Saksbehandler	Arkiv	ArkivsakID
Ketil Tjore	FE-033	21/578

Orienteringssak

Framlegg til vedtak:

Saksopplysninger:

Fra: Mette Ekornrød <me.eko@hotmail.com>

Dato: 14. april 2021 kl. 10:05:13 CEST

Emne: Trafikksikring, trygg skuleveg, krossvegen -Sætre

Hei Per!

Eg ser av innlegget til Austrheim kommune at det vert snakka om trafikksikringsplan.

Eg er veldig glad for at det vert gjort noko med sikringa av overgangsfelt og fortau ved seniorsenteret -dette er noko som ligg mitt hjerte nermt.

Eg ser og at det vert snakka om gatelys langs vegen frå Mastrevik mot Ulvøy.

No vil eg ta med at fortauet som har vore diskutert opp'og'nør i mente langs denne strekninga ikkje vert nemd med eit ord.

Dette finn eg urovekkjande.

Dette er på ingen måte trafikksikkert, verken for skuleborn eller vaksne.

Det er livsfarleg å ferdast langs dette strekket.

I vår situasjon, der Astrid sit i rullestol (og Emil som har nedsatt synsevne) er det umulig for dei å gå langs vegen her.

Eg kan fortelje at Astrid nektar å gå den vetle biten frå krossvegen og ned til oss «Eg tar jo ein vegbane aleine, det vart kø bak meg fordi det jo kom bilar imot, og når bilane skulle kjøra forbi meg, så fløyta dei.».

Eg vil dra det så langt at dette finn eg svært diskriminerende.

Kva 12/13-åring er det ikkje som vil ha friheten/muligheten til å gå aleine, ja sei no berre opp på butikken for å kjøpe seg ei brus på ettermiddagen, uten at mamma eller pappa må kjøre dei -når dei bur så nerme «sentrum» så dei gjer.

Kva 12/13-åring vil ikkje vera/henge med venner etter skuletid for så å gå heim sjølv, uten at mamma eller pappa må vera på allerten for å henta dei, og dette berre for 700meter utan trafikksikring (les: fortau og overgangsfelt).

Det er allerede brukt av våre marker (ja eg forstår 3meter er «fylkesvegen sine») til gatelys, men det hjelper lite når det er umulig å ferdast trafikksikkert langs vegen der vegen er smal og bilane kjører som dei skulle ha stjelt bilen -det er til stadighet nestenulykker nærøve her.

-det er vondt for ei mamma å få ei grinende jente heim der ho har eit umulig ynskje om å bli sjølstendig og gå heim frå skulen sjølv.

Til dagsdato har Astrid alltid blitt kjørt og henta frå skulen (kvar einaste dag sio 1klasse).

Og, om ho går heim, må ho bli henta av ein av oss oppi krossvegen for at vi skal gå ilag med ho derifra.

Eg håpar med dette å få deg Per med på laget vårt og jobba intensivt med denne saka.

Du må gjedna ta kontakt med meg om du ynskjer det, så kan vi ta ein prat.

Mvh Mette Ekornrød